



THE DAYBREAK.

“Wankantanhan Anpao kin hiyounhipi”—Luke 1: 78

WOKAJUJU 50 CENTS.

Nov.-Dec., 1928

VOLUME XXXIX, NUMBER 7

ATAYA OMNICIYE TANKA KIN

General Convention

Washington, D. C., Oct. 10-25, 1928.

Okodakiciye wakan kin Ataya omniciye tanka ocon iyotan wowinihan kin he de ptan-yetu kin oyate Otonweitancan tawapi kin hen econpi. October 10, kin he Hinannahica Wotapi wakan econpi kin ohakam Tipiwakanitan-oan teca owanyagwašte kin itankan oko otan-kaya kin hen oyate 20,000 (kektopawinge wikcemna nom) sam iyeya witayapi. Owacekiye kin de en President Coolidge (Tunkan-sinayapi kin) ikiciyuškinpi woeye on nina tanyan wokdaka. Bishop Anderson, Chicago etanhan kin he wowahokonkiye iyotan woinna on wahokonwicakiye, taku owasin wiciwankam iyeya Christ yawankantuya “Jesus Christ caje kin he Tuwe kin iyotan wankantuya, qa ohodapica kin hee, woniya kin eciyatanhan tuwena iyehanyanšniyan išnana wakapeya wankantuya kin hee, ƚe kte cin hehanyan wowaštedake tawa kin kduha najin kin hee, qa Tuwa wan wicaša woahtani tawapi kin ohiwicakiciye, qa Wakantanka Tokiconze etkiya wokakije kin piya wicakicicage, qa Wakantanka on qa Wicanagi kin on wowaške on oiekiton qon hee. Tuwa kin he tehanwankantuya Wakantanka kduwankantu, hecen Jesus caje kin on Wicacankpe otoiyohi pakšijapi kta.”

Anpetu itopa wiyawapi iakewanji kin he hinhana eciyatanhan šakdogan ape qonhan Tipiwakanitanan teca kin he okna Winyanpi kin anpetu kicitankapi. Yuwitaya Wopida Wawicaqupi owacekiye econpi. Tipiwakanitanan kin oyate 3500 (Kektopawinge yamni šam opawinge zaptan) ikapeya kipipišini kin on tihute qaiš tiohdateya kin ekta nakun Wotapi Wakan kin yuwakanpi. Dena hecetu kin he icunhan nakun itankapetanhan oyate kektopawinge tonakeca iš eya iyehan cekiya-pi qa woyatan oeye on owacekiye econpi, 4000 (kektopawinge tob) sam iyeya Wotapi Wakan kin icupi. Yuwitaya Wopida Wawicaqupi kin he Niobrara Deanery etanhan wicota ounpapi qon he Wakanwošnapu kin akan wošnapu, qa tohan wanna yawapi qonhan \$1, 101,450 (Woyawatanka wanji sam kektopawinge opawinge wanji sam kektopawinge wanji sam opawinge tob sam wikcemna zaptan) henakeca iyeyapi.

Wakanhejapi kin Wicatonpi Anpetu on Wawicaqupi wošnapu econpi kin \$32, 000 (Kektopawinge wikcemna yamni sam nom) sam iyeya henakeca kičonpi.

Wocekiye Wowapi Teca yuštaupi kta on wowaši tanka kicanyan škanpi kin he ataya yušanpi. Wetu kinhan hehan wowapi kin he opeton unkakihipi kta qa tukte ekten ayutokecapi kin hena en okiyeunkiciyapi kte kin on Anpao kin en oyag unkayapi kte. Wakanheja Wicahapi Wocekiye ocon teca wan wanna Dakota iapi en unyuhapi kin he wanneran wanji etanhan.

Omnicihe tanka kin de etanhan taku wanji tanka oahinape kin he Taniyatayena Wotanin Wašte oyag unpi kta cinpica kin he on Okodakiciye Wakan kin tohanyan un kin isanpa iyeya ikduhice. Owasin unkiyayapi qa tiyopa okiheya unkikiyena unpi kin hena enen,



BISHOP ITANCAN QA OKIYAPI KIN

Catkatan: Bishop Anderson, Chicago etanhan, Bishop Omnicieye en Vice-Chairman kin hee; Bishop Murray, Bishop Itancan kin; Bishop Burleson, Bishop Itancan Okihe cin

qa maka kin owancaya Christ on wowieunki-yakapi kte.

Bishop Burleson unkiyeheca unkitawapi kin he yuonihanpi qa wicakicica kahnišapi. Bishop Itancan kin he okiya un kta he kapi. Hecen Bishop Burleson South Dakota en taku ahiecaunkiconpi un kin he nakun itonkapetanhan wowaši tanka econpica kin heca yuba škan kta hecen he kapi. Bishop Murray, Bishop Itancan kin he taku wanna tokaheyana-hecin econši kin he tokata January wi kin he icunhan Pacific Ocean (Wiyohpepata muiwan-ca) kacokaya Honolulu Wita kin hen decana Bishop tawapi kin he ƚe kin on he ekta wawokiye kta e yeši. Tohan ekta i kinhan etanhan kodaunyanpi Rev. A. E. Clark (Sicaugu) hen wanyake kte.

Dena hecetu kin eciyatanhan Okodakiciye wakan kin tokata omaka yamni kin hena icunhan Cnrist on wowaši kin he sanpa tanka kicanyan škan kta he oiwanake tawa kin hee. Ataya Omniciye tanka kin he tokata 1931 ptanyetu kin en okiheya omniciya kte kin he Denver, Colorado, otonwe kin he-tu kte.

YANKTON

Bishop Burleson Ihanktonwan tipi ed i. Anpetu Wakan Nov. 11, 1928 ehand mazaska oyanke ed St. Philip Tipi Wakan okna wocekiye econ, qa okicize inajin on wokiksuye anpetu kin on wohdaka, hehand Wotapi Wakan wica-qu. Oyanke kin de ed Rev. P. J. Deloria yanka qa he wana otohanyan nina wayazan, qa wana kitana tanyan aya e Bishop wanyanka, qa de woyazan kin heon wacekiye wicaša nom toqeyaš tohanyan Rev. P. J. Deloria tanyan asni šni kin hehanyan wocekiye wocon kin hena econpi kta e econ wicaši qa henaos dena eepi B. C. U. kin etan Wm. Spottedeagle qa St. Andrew Sunkakiciyapi etan Edward Flyinghawk. Wicokaya ehand wiuyan omniciye tipi kin okna Bishop kici wotapi. De ohakab Rev. Jhon Flockhart Bishop kici Greenwood ekta kipi qa he ed wihiyayena topa ehand wacekiyapi. Anpetu tokaheya hinhana eciyatan Choteau Creek ed un qa hetanhan kikda.

Nitakoda Anpao yuba he. Cinyakiye cinhan wašte kte.

Omaka wanji kinhan kašpapi zaptan.

ANPAO KIN (THE DAYBREAK)

SPRINGFIELD, - SO. DAK.

REV. PAUL H. BARBOUR, Springfield, S. D. } Editors.
REV. LEVI M. ROUILLARD, Rapid City, S. D. }
REV. JOHN FLOCKHART, Greenwood, S. D. } Business Manager.

THE DAYBREAK is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Wi akenonpa (one year) eca kašpapi zaptan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Greenwood, S. D. on opetonpi qaiš wowapi askape Rev. John Flockhart yekiyapi kta.

Printed at the office of the Santee N. T. S. Press, Santee, Nebr.

ENTERED at the Post Office at Santee, Neb., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

BISHOP OKIHE TAWOWAPI

Sioux Falls, So. Dakota
November 28 1928

Niobrara Deanery en Mitakuye tecihindapi kin:

Wanna Advent omaka u kin he eciyatanhan Okodakiciye wakan kin omaka teca wan tokeca okna iyaye kte. Omaka wan teca okna iyaye kte kin he wowakan heca. He wowapi wan teca oyubdaye yubdayapi kin he iyececa, qa he omaka wan teca kin icunhan unkitonipi kin en okiwa unkdoayapi kta oiyaye wan heca.

Omaka wan teca kin en okiwa unkayapi kte kin he taku kta he? Unkiyepi iyatayena Okodakiciye wakan kin en Wotapi Wakan opa un kin heuncapi, qa nakun wacekiye omniciye wan unketanhanpi kin hena etanhan aiyacin-yan unikduštanpi kte. Wakantanka ounki-yapi kin eciyatanhan taku econqonpi kta iyuteya unškanpi kin he etanhan nina tankaya oiyecetu wan heca kte.

Omaka teca kin en wiconi nitawapi kin on oekde wan ciupi kta. Itancan unkitawapi kin iye waonspewicakiya wicayuhe kin eha-kenahcin waeconwicaši wan heca: "Jerusalem en, qa Judea makoce kin owancaya, qa Samaria qa maka oihanketa behanyan wayaatanin miyecinajinpi kta ce," eya.

Oekde kin he okiyuše yamui. Tokaheya "Jerusalem en wayaatanin miyecinajinpi kta ce." He unkiyepi iyatayena Christian oni unkitawapi kin he kapi. Wiconi unkitawapi kin he iye ihakam unqonpi kin he unkduatan-inpi kta iyececa he taku tokaheya kin ee. Omaka wan teca kin en wiconi unkitawapi kin sanpa wašteya ni unqonpi kta unkiyutapi kta iyececa. Ohinhanna qa ohtayetu iyohina oiyehanya Wakatanka cekiya unqonpi kinhan hecen econqonpi unkokihihi kta. Iye ceunki-yapi kin eciyatanhan iye kici okicieiya unqonpi kin he oknayan. Wakantanka towašake kin wiconi unkitawapi kin en mahen hiyu kta he econ kin wanji ee. Anpetu iyohi wancana eša tiwahe unkitawapi kin wicunkduwitayapi qa om witaya ceunki-yapi kta iyececa. Okodakiciye wakan wocekiye econ tawa kin hena kašnašniyan opa unkihanpi kta qa oiyehantu kin hena otoiyo hi en Christ toni kin Wotapi Wakan kin on ieu unqonpi kta, qa hena on ahiounkiyapi kte kin hena ee. Heha hecen econqonpi kinhan hehan omaka wan teca kin icunhan unkiyepi iyatayena wiconi unkitawa-pi kin wašteya okiwa unikdoayapi kte kin hena ee.

Hehan oekde kin de en icinonpa kin he "Judea makoce kin owancaya qa Samaria he-na en wayaatanin miyecinajinpi kta ce," eya. He United States makoce kin en qa oawani-kdake obašpe wan en unqonpi kin hena en Okodakiciye wakan kin he yuicage wacin iyuteya unškanpi kta hecon he kapi. Oyate toktokecapi kin hena Jesus Christ en awi-cunhipi kta e unkiyepi iyatayena iyuteya

unškanpi kta iyececa. Andrew tohan Christ iyeeye kin ohakam iye hunkawanjitku Peter Jesus en ahi kin he aicwanyag econ kta wan ahiunqupi. Unkiš eya tona Christoinyeunyan-pi kin sdonyapi šni qaiš ohodaya ceki-yapi šni wanwicunyakapi kin hena otoiyo hi en iyecon econqonpi kta iyececa.

Iciyamni kin "Maka oihanketa behanyan wayaatanin miyecinajinpi kta ce" eya. Jesus Christ on wounyakapi kta e maka kin owancaya unyanpi kta unkokihihi kte šni, tka hece-caeša ee tuwewe yewicašipi kte cin hena on mazaska wawicaqupi unqonpi kta unkokihihi. Iapi tokeca on unkeyapi kte qeyaš, Oyate Ata-ya wookuwa kin he en tohanyan unkokihihi kin behanyan en wawicunqupi kta iyececa. Tipiwakan wan unketanhanpi qa en unqonpi kin he en mazaska tona he on kicunwicašipi wicakidapi kin he iyecon kičunpi kta e en euntonwanpi kta iyececa.

Itancan unkitawapi ehake waeconunšipi waeunkiyapi okašpe yamni kin dena Okodakiciye Wakan Taomaka teca kin icunhan wo-wašake unkitawapi kin ataya on unyuecetupi kta unkiyutapi kte. De hecen econqonpi kinhan hehan wiconi unkitawapi kin oyubdaye teca wan en unkokiwapi kta, kinhan hehan Wakantanka en qa toktokecapi kin en, qa na-kun unkiyepi kin iyatayena aiyojanyan can-tewašte unkičiyapi kte.

Ihaniciktapi kin, W. Blair Roberts.

WICATA WAN

Lakeview, S. D., Nov. 29, 1928.

Anpao, kola: Nov. 21 qon hehan tanke Mrs. Nellie Presho ta. Winyan waliwala he-ca, Trinity chapel owicaha hel hapi. Rev. Mr. Frazier owicaha wocon iyuha econ. Tan-ke wayazan lipaye šni kan natipapi bececa na cante el iyaye leon oape wanjila ta iyaye. Otelii yelo, tiwahe tawa kin wicaksuyapiye. Takola ku lila otapi hapi el atanin. Nakun taku nonpa un waepa wacin. Wayazankapi he wanji, Miš Miye kin tohanl wayazan wan el wai kin wocekiye epa nakun wicoie on wa-cintankapi kta ca tikakuye na iye wayazan kin ewicawakiye. Hel waun he šni blušan kin wakiyagle hel waun hin kta iyececa šni tokeša awanyankapi yukanpi. Nakun pejuta wicaša kin tokel econpi kta keya tuwa wayazanka canna wicota ituyacin el unhanpi he hecetu walake šni okinni tuwa tiwahe he el yanke cin mazaska ota yuha šni seca ituya woyute ota atele-yapi kta iyececa šni, nakun el hanhe-pi yunkapi kte cin ti kin okinni owinji ota yu-ha šni seca.

Inonpa kin. Wicašte cin he e, tuwa ta can na lila wicota el unpi s'a wicašte cin wanyang ipi he hecetu heca, tka akeš el ituyacin unhan-pi kta iyececa šni tokeša okiyapi yukanpi. Nakun wicašte cin taku tawa cinpi yukan, na eyapi yukan, hecetu šni Tiwahe wan el tuwa te cin tawoyuha hena titakuye he tawapi wica-te cin taku hayapi wašte yuha kin hena hu-hnahiyapi sa: taku on lipaye hena wake šni tka tona wašte un šni kin hena wake heconpi kta heci iyeš unšika wicaqupi kin wašte kta ecan-mi. Nakun wocekiye omniciye el tuwa ta canna okam lila ota wašpanyanpi na wicota wicakicopi na hel wocekiye eyapi na wogla-kapi ota hehanl tuwa pan kiyapi na lena winyan omuiciye nainš wica omuiciye nainš tuwa kupi, lena wocon kin unyuhapi. Tka iyeš heconpi kte cin tuktel tipi wakan omni-ciye okiyapi cinpi kin inila keš wowapi tokcu ungnia iyeyapi kin iyotan wašte kta ecanmi.

Hehanl tuwa te cin on wakiksuye cinpi kin tipi wakan kin hel timahel tikakuye na takolakupi na tipi wakan hel omuiciye wan un kin (congregation) ob wocekiye econpi kin lila wašte wan heca kta, Memorial service only.

Wawokiya Catechist nakun tuwa wocekiye el taku woonspe aya cin kin example, woonspe pazo kta iyececa taku iyuha econ yuke, taku iyuha el wowašte yuke. Wawokiya catechist: wowayazan na wicašte cin el tokel onigluha kte cin sanpa onspeiči-ya yo. Tiwahe lila ota taku ota un iyotiyekiy api tohanl cececa canna. Wowayazan wicašte cin nonpin el lena owicohan sanpa tanyan onkablezapi wacin kin heon hepelu. Nape ciyuze.

Geo. H. DeCory,
Ch. Religious Ed., Rosebud.

B. C. U.

55 Annual meeting of Brother-Hood of Christian Unity at Crow Creek St. John the Baptist church.

Sept., 27, 7:30 p. m. Htayetwocekiye econ pi kin Rev. Cyril Rouillard, Rev. Andrew White Face, Melvin Lodge, Patrick Shield qa hehan Rev. L. C. Walker ikiciyuškinpi wicoie eya qa Rev. Andrew White Face ayupta.

Sept., 28, 7:00 a. m. 24 Wotapi Wakan icupi.

9:30 a. m. Hinhanna wocekiye iyohakam Mrs. B. P. Lambert cantešica kin on kici wo-cekiye eya qa de en wicaša nom wohdakapi Mr. Dominick Lone Bull qa Joshua Lowdog hena eepi. He ikduštanpi hehan B. C. U. General meeting kin econpi, qa tokaheva delegates hipi kin cajewicayatapi qa hehan oadetka ecen ahi kin mazaska kdohipi.

12:00 m. wicoka hiyaye wocekiyeeyapi.

1:30 p. m. ake omniciye kin iyotanka. qa wicaša nom wohdakapi. (Wakanheja tewica-hindapi toked ataninpi he) Mr. Tasker Red Hail qa Mr. Wm Shell iwohdakapi.

7:30 p. m. Htayetwocekiye kin. De iyo-hakam Sup't E. J. Peacore of Fort Thompson S. D. kin he wohdake nakun Rev. John Clark wohdake.

De iyohakam wicaša nom wohdakapi. Wo-cantkiye wašte qa wowicake Mr. James Wright qa Mr. Harry Kingman iwohdakapi.

Sept. 29. 9:30 a. m. Hinhanna wocekiye iyohakam omniciye kin iyotankapi qa Itancan kin he Mr. John Barse Sr. of Sisseton kin he wohdake šni, he han Rev. John Clark he waca-jeyate qa B. C. U. tawoope Article 4 kin he tukte okna okalniŋapi wašte ohna wowapi wanji okaŋapi kta eya, qa itancan kin de on committee yamni wicakaŋe, Rev. John Decory, Patrick Shields qa James Wright henaee-pi.

12:00 m. Wocekiye.

1:30 p. m. Wocekiye iyohakam wicašaŋwan-ji wohdake B. C. U. caje kin taku on wa-šakin kta he? Mr. Patrick Shields he iwohda-ke, qa de iyohakam Itancan kin Committee yamni wicakalniŋe kin he token yušanpi hecinhan ohdagwicaši ynnkan iyuha ka iyab-eya najinpi qa yušanpi šni keyapi. Hecen omniciye kin iwohdakapi qa tokata B. C. U. General Meeting, 1929, kinhan Article 4 oyuspe 2, B. C. U. tawoope kin he iwohdakapi kta kikua kapi qa yušanpi.

Hehan B. C. U. wives kin he Boys school kin on womnaye kin he kdohipi qa denakeca \$36.44, hehan wicaša wan Fort Thompson etanhan B. C. U. General Fund on \$10.00, ahi.

7:30 p. m. Htayetwocekiye econpi.

Sept. 30, 9:30 a. m. Wotapi Wakan icu-pi kin 73.

2:30 p. m. B. C. U. tapi on wocekiye econpi qa en Mr. Jerry McBride solo dowan qa he iyohakam Rev. Andrew White Face wohdake, qa he han Rev. John DeCory he "Mahpiya tiyopa iyuhdoke kin he ciču". Matt. 16: 19 he iwohdake, qa hehan nakun Mr. Guy Howard wohdaka qa hehan B. C. U. tapi on wocekiye eyapi qa hehan Dakota wica-ša wakan ašnikiyapi mazaska on owicakiyapi qa dena wicaša wakan zaptan \$17 wicaqupi.

7:30 p. m. Htayetwocekiye iyohakam B. C. U. en nom teca ahi opapi qa he Herman Eagle qa Lowi White Boy. Denaos ahi opapi kin on wisaša nom wokdakapi, qa he Mr. Tasker Red Hail qa Joshua Lowdog.

De iyohakam Itancan unkitawapi Rev. P. J. Deloria woiya ksape wiconi wašte unqupi. Wana omniciye kicopi iyehantu. Wapala So. Dak. Sisseton So. Dak. Santee Nebr. he na omuiciye kin dapi, tka Santee Holy Faith en omuiciye kin ohiye. Hehan itancan kin wicaša yamni cokata ewicaknake qa he Rev. L. C. Walker Tasker Red Hail qa Levi Bird qa de on Mr. Patrick Shields wopida ewicakiye qa mazaska \$10.00 wicaqu.

Nov. 1, 1928, 9:30 a. m. Tipi wakan kin itanhan yamimeya inajin qa "God be with you till we meet again" he ahiyayapi qa Rev. P. J. Deloria woyawašte kin eye qa hehan iyuha napekiciyuzapi qa enakiyapi.

Moses Saul, Ass't Sec'y.

PINE RIDGE MISSION

Yewicašipi Wakiya omniciye kin,
Nov. 7 1928, el mniciyapi.

9: 00 a. m. Wocekiye on yugan. Itancan kin Omniciye kin iyopte.

(1) Wacajeyatapi wan, Wicaša Wakan tawowapi kin on, Oct. 24, 1928 el kage kin he-on, Mr. Walter Bone kage lecel oknayan:

Heon etanhan, Wošna Kaga Waawanyanka Tawowapi wan tanyanhecin awacin unyawapi, na, Heon etanhan, unkiyepi cante iyokipiya Okolakiciye Wakan kin yutokatakiya ayapi kta ksamyahanyan cin kin he hecetu-unlakapi, na Heon etanhan, Wošna Kaga Waawanyanka wanna oiyehantu wan hinhuni kte cin he-on Oglala ekna Okolakiciye Wakan inyanke kin he woyakapi kin sanpa iyoptin kta ca unkiš-eya iyojula hecetu-unlakapi, na

Heon etanhan, unkiyepi, Pine Ridge Yewicašipi Omniciye kin, lecel wicannlapi na tokel tokatakiya ca-oekle kin ecetuya iyoptin na tokatakiya Oglala Okolakiciye Wakan opa kin wookihi tawapi on wowaši econpi kta na iyopteiciyapi kta ca, na

Heon etanhan, wookihi tawapi kluha wowaši econpi, na tokel okihi ecel Lakota Wicaša Wakan na Koška. Itancanpi na nakon Manderson el Wošna Kaga Oti wan kagapi kta on tona Owacekiye opapi owasin mazaska mnakiyapi kta ca hena awamnawicayapi kta, na he etanhan on lecel woinyonge wakage

Ito Pine Ridge Wakiya Yewicašipi Omniciye kin le Mazaska Woawanyanke Ošpayepi kin mazaska tantanhan kin le on woinyonge wan iyukeanpi kta ca heon le wiconqupi na iyukeanpi na tokel Okolakiciye Wakan eciyatan wowaši econpi na mazaska mnayanpi na on Okolakiciye Wakan kin on patokalwapaya oahekleya sutaya eunklepikta icewicunkiya-pi kta.

Na Rev. J. B. Fox okiye na yušanpi (2) Wošanpi kin on Herman Water yawašte wopapi wan lecel kage na Council kin he icupi. Pine Ridge Yewicašipi Wakiya Omniciye yanpi kin:

Wicaša Walhawapi kin: Unkiyepi kin woinyunge wan yakagapi na tokel tokatakiya woiyupte kta wan on Oglala oyate Okolakiciye Wakan el un kin okna yapi kta ehapi kin he tanyan ablesya unyawapi na on lecel taku yalapi kin he, na mazaska woawanyaka on woiyunge kin le wicakeya iyukeanyan on unkaninyuptapi, mazaska woiyunge kin le eciyatan tanyanhecin unkiyepi unkokalinigapi, ecin he taku tanka hea wan heca na ecel ca eunklepi na wicohan wan tanka tokatakiya Okolakiciye Wakan on wowaši sutaya na mazaska woawanyake on oahekleya eunklepi kte lo.

Hecel Lecetu kta ca unyawastepe:

(1) 1928 Omaka ihanke šni ecel Wotapi Wakan opa otoiyohi \$1. 00 kičunpi kta.

(2) 1929 Omaka ihanke šni ecel Wotapi Wakan opa otoiyohi \$2. 00 kičunpi kta.

(3) 1930 Omaka ihanke šni ecel Wotapi Wakan opa otoiyohi \$3.00 kičunpi kta.

(4) 1931 Omaka ihanke šni ecel Wotapi Wakan opa otoiyohi \$3.00 kičunpi kta.

Ayablezapi eciyatan Omaka tom ataya woecon wan heca: Le ihuni kin ohakam woecon teca wan ake kagapi kta.

(5) Unkiyepi nakon Oyate Ataya Woiyopastahe na Lakota Wicaša Wakan on otoiyohi kičunpi kta iwankam eyapi kin oknayan econpi na onge etanhan iyaye kin hena Koška-Itancanpi na wawokiya unpi kin on wicakicicajuju-pi kta ca omaka iyohi wamnayanpi econpi kta ca wašakya hecetu unlakapi na unyawastepe.

(6) Unkiyepi nakon wicaša wakanpi na Koška-Itancanpi na wawokiya kin na owacekiye el oitancanpi unpi kin mazaska woawanyanke ošpayepi kin lena tokel okihipika woecon wan le kagapi kin el owicakiya škanpi kta ca he hecetu unlakapi na unyawastepe.

(7) Unkiyepi nakon Manderson el wosna kaga oti wan teca kagapi kte cin le el wicaša wakan na koška-Itancanpi kin leon oyatepi kin watohanlanl el mazaska kičonpi kte kin

hena mazaska woawanyake ošpayepi kin wicagupi kta ca icewicakiyapi kta ca he hecetu unlakapi na unyawastepe.

(8) Unkiyepi nakon Rev. Chas King Wokisuye on womnaye kin he watohanlanl el mazaska kiconpi kta ca Wicaša Wakan na Koška-Itancanpi kin oyate kin icewicayakiyapi na mazaska woawanyanke ošpayepi kin hena wicagupi kta ca he hecetu-unlakapi na unyawastepe.

Herman Water,
Chairman of Finance Dep't.

Mazaska oawanyanke ošpayepi kin tawowapi kin yawapi na on Rev. J. B. Fox, lecel wacajeyate na yušanpi.

Woinyonge wan leetu wakagin kta wacin:

(1) Unkiyepi kin, Pine Ridge Yewicašipi Wakiya Omniciyepi kin Mazaska Woawanyanke waikluotaninpi wan ojula hiyukiya-pi he el iyowinunikiyapi na hecetu unlakapi na wicunkiyciawastepe.

(2) Nakon Pine Ridge Yewicašipi Wakiya Omniciye unkiyepi taniyatayepi tokel tokatakiya waniyetu tom wokage wan Mazaska Woawanyake Ošpayepi kin iwanyakapi na okna oikluhaya on mazaska mnayanpi kte cin le cante iyokipiya na ičičuya hecetu unlakapi na unyawastepe.

(3) Nakon Unkiyepi Pine Ridge Yewicašipi Wakiya Omniciye unqonpi kin Koška Itancan na Wowakiyapi kin na Owacekiye eciyatan wotancanpi kin le waniyetu tom on woecon kta wan kahniyapi kin le oyatepi kin tanyan eceli taku kapi kin na tokel owicohan kte cin le okalinilwicayapi kta ca on wawiyopaštakapi kta wawicuntpi kta.

(4) Pine Ridge Yewicašipi Wakiya Omniciyepi kin Mazaska Woawanyanke Ošpayepi kin waniyetu tom on woinwanyanke wan wašte ca econpi na kagapi kin leon wopila ewicunkiya-pi.

(5) Pine Ridge Yewicašipi Wakiya Omniciyepi kin le Wayuotanin Ošpayepi kin oyatepi kin eka le waniyetu tom on woecon kta kahniyapi kin le slolyewicakiyapi kta ca inš eya econwicašipi na nakon oyatepi kin iyojula na cante waštaya ecel econpi kta cinwicakiyapi kin on Oglala ekna Okolakiciye Wakan un kin sanpa wašakin na tawacin on tankaya iyopte yapi na Lakota ekna wowaši hekta kin isanpa slolyapi kta ca kagapi kta.

(6) Pine Ridge Yewicašipi Wakiya Omniciyepi kin ecin tuwa Itancan kin na Taokolakiciye Wakan kin waštelaka ehantans waniyetu topa kin le telihe šni lakin ktelo tuwa-Christian wašte heca ehantans unkecinpi.

11:30 a. m. Woyatan na Wocekiye wopila Itancan kin eye na ekiknakapi.

Asa Ten Fingers, Sec'y

Nov. 22, 1928

All Saints, anpetu kin el Eastern Christian Unity el lena oitancan teca wi akenup unpi kta 1, Mr. Black Bull; 2, Luke W. Hawk; 3, Chas. H. Crane; 4, James Blackbull. Winyan kin inš lena epi: 1, Mrs. Mary King; 2, Stella King; 3, Esther H. Crane; 4, Mrs. Sally B. Fox.

St. Mark Church. Wica omniciye api kiya-pi na lena Itancan wowaši eca kiconpi kta wicakagapi: 1, Sam L. War; 2, Johnny Bissette; 3, James No Braid; 4, Glen Patton.

St John Chapel el. Lena oitancan teca wicakagapi. 1, Louis Red Paint; 2, Guy G. V. Flute; 3, Frank Jr. B. Nose; 4, Frank Belt.

A. T. F.

PINE RIDGE

Western Christian Unity St. John Chapel el November 19-21, 1928, omniciye econpi. 7: 00 p. m. Htayetw wocekiye ohakam Ikiciyuskinpi woeye na woayupte econpi.

Nov. 20—Hinhanna woecon

10: 00 a. m. Hekta waniyetu wikemna nupa qon hetan takenakiya okolakiciye wakan kin lila iyopte kiyapi.

Asa T. Fingers.

Okolakiciye wakan owicohan kin sanpa yuicagapi kta ca Christian otoiyohi wookihi wan iyowajapi kin he hankeheci Okalinigapi kta,

Harry L. Soldier.

12 m. Yewicašipi wicohan wocekiye. Le el, Rev. John Black Fox wakanyaja wan Baptisma eca kicon, caje kin, Aurelia Lucy Walks Out.

2: 00 p. m. Omniciye ecel iyotanka. Wope yawapi, na oitancanpi kin wicayaotaninpi, na hena wopila ewicakiyapi, na Clarence Hunts Enemy Itancan tka te qon he kiksuyapi, na Olowan 143 he wašte lake cin ahiyayapi. Oitancan wicakagapi na lena wicayustanpi: 1, Richard Good Soldier; 2 Peter Stand; 3 Chase. B. Nose; 4, James. Y. Horse; 5, Asa T Finger na Herman Water. Le el ptelyela asni kiyapi. Ake ecel iyotanka. Winyan Omiciye kin lena Oitancan wicayustanpi: 1, Mrs. Jennie L. Finger; 2, Mrs. Nellie Stand; 3, Mrs. Lucy T. Fingers; 4, Mrs. B. Nose.

Oyate kin Okolakiciye Wakan kin oknayan onspepi kta ca oknayan wicakaonspepi kta. Harry R. E. Horse.

Hekta waniyetu wikemna nupa qonhan Christian okolakiciye Wakan kin Lakota ekna oškiniciye kin. Richard G. Soldier.

5: 00 p. m. Asni kiyapi.

6: 30 p. m. Htayetw Wocekiye "Wacinyapi" on wowahokonkiye, Rev. John Black Fox. Oyate kin woniya on wica yuwašakapi na sakim wašagkiciyapi na anuli okiciyapi kta, Peter Stand. Iyaza omanipi kin on iwoklakapi na awoope tanyan econpi kta ca on eknakapi. Le el Social Service yuhapi. Woyute wiyope yapi na \$13.48 kagapi.

Nov. 21, 9: 30 a. m. Hinhanna woecon.

10: 00 a. m. Wotapi Wakan na wowahokonkiye, Rev. N. Joyner.

Rev. J. B. Fox okiye, Waunyanpi kin: \$4.30, Ata 41 Wotapi Wakan icupi.

1: 00 p. m. Omniciye ecel iyotanka. Tuktel ake omniciye kte kin kahniyapi, na Christ Chapel el yušanpi.

Mazaska awanyanke kin oiklake na ataya \$75.25 yuha keya.

Oitancan lecala pi kin Wocekiye ewicakiciye na woyawašte kin, Rev. N. Joyner.

Carrie Knee, St. John okašte kin wopila ewicakiyapi kta keya na okiyapi na econpi.

Iyuskinyan nape kici yuzapi na kiblechanpi. A. T. F., Pub. Ch.

CORN CREEK MISSION

All Saint Chapel Martin otonwe le Nov. 3, 4, owancaya omniciye econpi. Tipi wakan oyanke ecel he kin etanhanhan ahi na wicotapi tanyan mazaska klohipi na wocekiye econ tokeya wocekiye econpi na ohakam woecon kin. Lena on tokel econqonpi kin Okolakiciye kin sampa tanyan econqonpi kta he, Rev. Amos Ross on woklake nakon Rev. J. P. Yellow heon woklake.

Sunday Nov. 4, 10:00 a. m., Wotapi Wakan yuwakan kin Rev. Dallas Shaw, okiye kin Rev. Charles Brugier. Wotapi Wakan icupi kin 43 hena kecapu ua waonyanpi kin \$5.00.

2:00 p. m. yewicašipi on wocekiye econpi na he el wicaša nom woklakapi, Rev. P. C. Bruyer, Rev. J. P. Yellow. Hehanl tokata omniciye kte kin kahniyapi, Inestimable Gift Tipi Wakan teca Allen el he kin hel yušanpi. Lena škanpi kin icunhan U. S. President wicaša nom on vote econpi kta tka tuwe he Herbert Hoover, eciyapi he tona Corn Creek mission el Ska on opapi hecin ataya nakicijinpi ecel ohiye kin on wowiyuskin heca.

Hehanl St. Barnabas Chapel el Oct. 28, 1928 Anpetu Wakan el Frank G. V. Elk na Eva Coyote kici wakan kiciyuzapi econpi. Nakon James Glenn na Marie Glenn eincapi Rev. Dallas Shaw Baptisma qu. Hehanl wicaša wakan nom oyanke tokeca el iyotankapi, Rev. J. P. Yellow he St. Barnabas Chapel, Kyle S. D. el na Rev. Chester Red Kettle he Gethsemane Chapel, Wamblee S. D. el eknakapi. Hehanl Corn Creek Mission oyanke ake wanji otoiyohi winyan omniciye unpi hena wana owasin apičiyapi nakon koška omniciye unpi kin. J. P. Y.

WAKANKICIYUZAPI

Mr. Christian Whipple qa Miss Esther Harlan, nupi Santee, Nebraska etanhanpi, Dec. 11, 1928 behan wakankiciyuzapi, Okreek, So. Dak. en qa Rev. Henry Whipple wicakiciyustan.

CHEYENNE MISSION

October 20, 1928

Anpao Kin: St. Thomas el wakanheja wašte wanji Baptisma Wakan ecakiconpi, he Baptist na Lizzie Red Dog cineapi. Le omaka kin el awableze cin ecizatnanhan oyake ecel wicohan ocon kin tanyan iyowiničiya waeconpi kin he piwala. Na tunkin tuktetu keša iyecel waanagoptanyan waeconpi ni ecamin.

I. E. S., Pub. Chmn.

Cheyenne Agency el Sunday School tanka wan unyuhapi. He el wakanheja 160 yukanpi, nakun waonspekiya zaptanpi. Dr. na Mrs. Ashley el hipi qonhan, lila iyokipiyen Sunday School kin el woglakapi.

November 8, 1928.

Anpao Kin: Lehanl omaka el Okolakiciye tokel škanpi kin ake hanke oblaka. Winyan omniciye, teca omniciye, kin lehanl wowaši econpi kin oitancanpi wayupipike cin on lehanl lila tanyan waeconpi. Lecala St. Thomas na Emmanuel om woyute wiyopeyapi na \$35 kamnapi. Okolakiciye nonpa wowaši econpi kin iyuškinyan waeconpi na he iyokipi na teca omniciye nakun woyute na woškate econpi, na \$23.75 kamnapi na heon miš tokel owakihi iyopaštakewicawaku. Wanna sam econpi kta iyuškinyan kiblecahanpi na ake econpi kte cin awaonmi kin le waniyetu kin winyan omniciye na teca omniciye kin mazaska ota kamnapi kta kecanmi.

Lehantu kin taku oyasin otehike ša wica na winyan taku econpi kta cin cante wašteyan econpi kin on piwala. Hehanl St. Andrew's Chapel Cherry Creek el unpi kin lecel wagluštanpi: 1, Mrs. Felix Poor Elk; 2, Mrs. Charles Baake; 3, Mrs. Rose Run After; 4, Mrs. Joseph Red Bear; 5, Mrs. Felix Banoist, Mrs. Peter Stamp, Mrs. Sarah Eagle Chasing, Mrs. James Chasing Hawk, kin lena inkluštanpi.

St. Andrew's Chapel el Baptisma Wakan. Maxine Eagle Chasing, Mr. na Mrs. Daniel Eagle Chasing cincapi na Lucille Marie Runs After, Mr. na Mrs. Olney Runs After cincapi na Harold, Mr. na Mrs. Felix Condon cincapi, na lena Rev. Joseph DuBray wicakiciyustan.

I. E. S.

Cherry Creek, S. D., Nov. 18, 1298.

My Dear Day Break: Yuonihanyan taku wanji oyak ciši kte lo, hekta Sept. 3, 1928 anpetu kin el Mrs. Louis Axe or Pankeska ecipyapi kin maka akanl wowaši tona wašte econ kta on icimani hi kin hena kiklušan, na wiconi on maakipe kta kikle. Le winyan kin waniyetu 64, henakeca na omaka 1889, kin he tan winyan omniciye opa na hecel najin ecel anpetu tawa hena la, ho winyan Cheyenne Mission imahel tanyan iyekiyapi kin heca.

Tka iyotan St. Andrew Chapel el winyan kin le woiyokisice, na wowiyuškin na ošiceca na mašte oyasin iyakilecel okolakiciye on wowaši econ okihi, na taku on hena okihi kin he ni on kin iconhan, tokel un kta iciconze kin ecel econ kin heon winyan le wowapi eola olowan oyasin ahiyayapi okihi, wowapi eola wocekiye ptecela iyuha oya okihi hinhan na hitayetu hena oyasin wocekiye eye, hecon kin on nakun tiwahe tawa tanyan on hinknaku Mr. Jim Axe wakan kiciyuzapi un okna yuha yuonihanyan anağoptan kici un hecel wiconi tawa enakiye. Iho wicaša na inš winyan eša okolakiciye oknayan ohan yešni na wakan kiciyuzapi oknayan un šni tka šikšicaya ohan un na hecel te cinhan he tohan kin cinpica kta iyecetu šni. Tka winyan wanji ohan oblake cin lececapi kin hena tohepi kin wicota cinpi kta iyecetu, ho hecel winyan tona le wanlakapi winyan le tohe akan hecel el eca nupi kta wašte. Lakota ounye kin tokeca aya anpetu wanji, wowaštela na iwicayutan heca ota, ho hena el tuwa Mrs. Axe ecipyapi ohan oblake cin hecel icicaga kin tohan tu keša wosla najin okihi kta, tona le wanlakapi winyan wocekiye nitawapi el yeksuyapi kta wacinciyapi. Nitakuyepi wanji,

Sam E. Chasing.

OITANCAN WICAKAHNIGAPI KIN

Winyan Omniciye Tonana On

"1" Itancan kin kapi; "2" Itancan Okihe; "3" Wowapi Kağa; "4" Mazaska Awanyaka; "5" Oitancan unmapi.

Yankton. St. Philip's: 1, Mrs. Blanche Spotted Eagle; 2, Mrs. Mary LaGrand; 3, Miss Edith Spotted Eagle; 4, Mrs. Julia Deloria; 5, Mrs. Ellen Spotted Eagle, Mrs. Eunice Stone, Clara Spotted Eagle, Marcella Stone, Mrs. Mary Spotted Eagle, Mrs. Susan Rondell, Mrs. Hopkins.

Cheyenne; Emmanuel. 1, Mrs. Mary Swan; 2, Louise Warrior; 3, Julia Horn; 4, Jennie Woodface; 5, Mary Make Him, Fannie Lplant, Mary On the Tree.

Rosebud; St. Thomas. 1, Mrs. Lizzie Eagle Bear; 2, Mrs. Julia Singing Goose; 3, Mrs. Nettie Big Owl; 4, Mrs. Emma Charging Bear; 5, Mrs. Lucy Chasing Horse, Mrs. Sophia Black Bear, Mrs. Rosa Henry, Mrs. Rebecca Quick Bear, Mrs. Cora Stand for Them.

Santee: Most Merciful Saviour. Winyan: 1, Mary Mitchell; 2, Emma Whipple; 3, Margaret St. Clair; 4, Maggie Lawrence; 5, Lucy Lovejoy na Ceelia Ross. Tecapi: 1, Louisa Campbell; 2, A. Thelma St. Clair; 3, Vera Redowl.

Holy Faith. Winyan: 1, Eunice Whipple; 2, Jennie Hellers; 3, Elizabeth Hemans; 4, Sarah

ROSEBUD WOTANIN

Grace Chapel kin el sunkakiciyapi B. C. U. unpi kin he el Mrs. B. P. Lambert na cinca wanji Guy Lambert yuonihanyan wicakicopi, December 9th he etu. Na taku on heconpi kin he omniciyepi kin lena koškalka ececapi na Rosebud oyanke kin el Rev. B. P. Lambert B. C. U. sunkakiciyapi oaletka wan ehake icahege kin he tanhan wana omaka wanji opta hihunni-pi kin. He on Rev. B. P. Lambert wokiksuye ecakiconpi kta on etanhan wiwazica tawa qon he cinca wanji kici wicakicopi qon he hecetu. Na lena lecetu kin heon etanhan Grace Chapel B. C. U. unpi kin etan na Holy Innocents B. C. U. unpi kin etan mazaska on Mrs. Lambert okiyapi na lena on wopila heca.

HOKSIYOPA WICAHAPI WOECON KIN

Hokšiyopa Wicahapi Woecon kin wowapi ota wanna mduha, nakun tuwe keša etanhan cin kinhan, yuha okihi. Yacin kinhan wowapi umayakiyin kta, qa tona yacin kin emayakiyin kta, hena cantewašteyan ciu kta. Nakun "Baptisma Wakan en Tona Waewicakiciyapi kin Woope Tawapi" (Instructions to Sponsors) ota mduha, qa yada kinhan iyuškinyan yeciciyin kta.

P. H. Barbour.

Springfield, S. D.

CORRESPONDENCE SCHOOL.

Ookuwa Teca wanji

Unkitəoyatepi kin sanpa qa sanpa wokañni-gapi he iyahna Wacekiye Wicašta kin woohoda woawacin eceedan on wicohan en piiciyapi kte šni tka nakun waonspeiciyapi kinhan iwaštepi kta.

Qa wowapi otokšu ohna wacekiye wicohan kihdegapi woonspe yeunyapi kta wiyeya unyakonpi.

Ookuwa topa kin dena wana wiyeya unhnakapi:

1. Wocekiye Wowapi on wooyake, taku tona mahed un qa token idagyapi kte cin.

2. Wowapi Wakan on wooyake qa taku tona mahed yanke cin.

3. Okodakiciye Wakan kin on wooyake kin.

4. Wotanin Wašte Topa kin.

Wacekiye wicašta qaiš unma tuwe cin kinhan, woonspe kin dena Dakota qaiš Wašicun iapi ohnayan yuha okihi.

Tuwe de woonspe kin en opa cin kinhan wowapi maqupi kta.

P. H. Barbour, Springfield, S. D.

Hoffman; 5, Winnie Saul, Angelique Philbrick, Ellen Tuttle, Sarah Hemans. Tecapi: 1, Lucy Kitto, 2, Alma Whipple, 4, Eva Hoffman.

Blessed Redeemer. Winyan: 1, Rose Rouillard; 2, Louisa Walker; 3, Elsie Redwing; 4, Helen Hopkins; 5, Mary Goodteacher, Elizabeth Chapman, Emma Stone.

Okolakiciye Wakan kin on Wiwicawangapi Wan

Continued from Last Month

W. Woniya Wakan tawaičiya kin on tokel Christ eya he.

A. "Wicakicanpte, Atewaye cin etanhan uwaši kte cin, he *omayakin* kte," na ake "Wicakicauppte, Woniya Wakan kin hee, Atewaye, cin micaje on uši kte cin, he taku oyasin *onspeniciyapi* kta." (John 15: 26; 14: 26.)

W. Woniya Wakan wakihitanip kin on tokel Christ eya he.

A. "Tuwa Woniya Wakan waoštēgla kinhan kicicajujupi kte šni." (Lukas 12: 10.)

WOONSPE IWIKCEMNA TOPA
SANPA SAGLOGAN

Anpetu Wakan Yawapi—St. Andrew
Taanpetu

W. Yamnapi taanpetu kin etanhan Advent Anpetu kin hehanyan, on taku eyepica he.

A. He omaka kin icunhan Christan wiconi ecizatnanhan woecon kin

hena Okolakiciye Wakan onspeun-kiyapi kin hee.

W. Heceel wanna taku awauncinpi kta he.

A. Wahošiye Wakan tonipi kin ecizatnanhan Anpetu Wakan yawapi kin hena, na St. Andrew Taanpetu he tokaheya.

W. Tokaca Okolakiciye Wakan kin, Advent omaka kin el St. Andrew Taanpetu kin kiksuya he.

A. "Iye tokaheya Messiya iyeye cin," na toktokeca Christ el awicahi kin heon.

W. St. Andrew tuwa ca tokaheya Christ el ahi he.

A. "He cincu Simon tokaheya iyeya" na Christ el ahi.

W. Henios tuwa cincapi he.

A. Galilee etanhan, hokuwa wicaša wan Jonas ecipyapi, he cincapi.

W. St. Andrew tokel Wanikiya slolya he.

A. John Baptism awicaqu qon he Andrew waonspekiya tawa wanji, na anpetu wan Jesus hiyaye con, "Iho, Tacinea Wakantanka tawa kin he lee" eye cin he nahon.

W. He ehan Andrew taku econ he.

A. Takunni ape šni Christ iha-kab iyaye.

W. Watohan Andrew na Simon Peter Wanikiya kin katinyan kici ounyanpi he.

A. Le okakab iecala, hokuwapi icunhan, he ehan Jesus "Miyagna u po, kinhan wicaša kuwapi kin cecagapi kta" hewicakiye, na hehan taku oyasin ayušanpi na iha-kab yapi.

W. Mattheos Wico. 13 na oegle 47 el Okolakiciye Wakan kin he taku iyacinpi he.

A. "Ho ipate wan ble kin el iyo-łpeyapi, na hogan ocaje oyasin etanhan mnaye cin," he iyececa.

W. Makoce tuktel St. Andrew wotanin wašte oyaka he.

A. Seythia, na makoce ikiyela kin hel. Ohakab Epirus, Galatia na Achaia el hi keyapi.

W. Tuktel martyr heca icakija he.

A. Achaia makoce Patraea el, wotanin wašte oyake con yuwica-kin kta e towiconi ekignaka.

W. Bliheya wotanin wašte oya ke cin on Algeaus, Achaia el Itancan kin itokeca he.

A. Lila eanze lica lakaš kaštaka na icipaweli kte wicaši.

W. Tehan kakijin kta on tokel icipaweli ktepi he.

A. He okatanpi šni tka wikan on icipawega el iyakaškapi.

W. Canicipawega tokel kagapi he.

A. He oowa wan X iyecel kagapi na heon St. Andrew Canicipawega tawa cajeyatapi.

W. Martyr ktepi kin el tokel igluha he.

A. Cantewašteya na ohiya se, na canicipawega akan icakije kin he wopila yawa.

W. Icipawega iyakaška yanke cin icunhan taku econ he.

A. Oyate waonspewicakiye, na hanhiya ʔa eša wahokonwicakiya.

W. Wacintankaya icakija kin on taku unkonspepi kta iyececa he.

A. Wicokakije na šicaya kuwapi waunkipapi ca el wacintankaya na katinsya unkigluhapi kta, nahan Christ caje kin on unkakijapi kta kipiya unkiyawapi kin unkiyuškinpi kta iyececa.

Continued next month